

妙臂印幢陀羅尼經

唐于闐三藏實叉難陀譯

如是我聞一時佛在雞羅娑山諸獸依處妙  
 宮殿中與大比丘衆千二百五十人又與無  
 量菩薩摩訶薩俱文殊師利法王子而為上  
 首莫十靡不皆如童子之形并賢護等十九十六丈夫  
 爾時世尊以正念知為諸天人演說法要皆  
 令歡喜時大梵王及諸天龍夜叉乾闥婆阿  
 脩羅迦樓羅緊那羅摩睺羅伽人非人等各  
 起合掌前白佛言世尊有諸衆生由造種種  
 罪惡業故應墮地獄餓鬼畜生閻魔羅界備  
 受衆苦惟願世尊大悲為說除滅如是苦惱  
 方便令彼衆生皆得解脫諸惡道難時觀自  
 在菩薩摩訶薩復與無量持呪大仙前後圍  
 遶頂禮佛足白言世尊唯垂愍念以善方便

救諸世間佛言善男子有陀羅尼名妙臂印  
 幢若能常念誦習思惟速得除滅五無間罪  
 富貴安樂大姓家生爾時世尊即說呪曰  
 怛姪他迦居伽切囉迦囉一枳利枳利二句  
 嚕句嚕三娑囉娑囉四徒咧徒咧五蘇嚕蘇  
 嚕六薩婆佛陀阿婆盧枳帝七柁囉柁囉八  
 達摩阿婆盧枳帝九蔗囉蔗囉十僧伽阿提  
 瑟恥帝十一跋囉跋囉十二阿佞迦十三佛陀  
 俱胝婆瑟低十四那觀十五那觀十六薩婆阿跋  
 囉十七那十八你寐十九薩婆毒佉阿婆那二十勃  
 囉二十一多勃囉二十二多姪囉二十三多姪囉二十四怛吒二十五  
 怛吒二十六薩普吒耶二十七薩普吒耶二十八薩婆阿  
 跋囉那阿播耶二十九突揭帝寧三十蘇婆呵  
 善男子此陀羅尼恒河沙等諸佛所說阿難

佛世難遇人身難得受持此呪轉復為難善  
男子我念往昔毗婆尸佛次第乃至迦葉如  
來咸為我說此陀羅尼普欲安樂諸衆生故  
於諸佛所皆親聽受爾時世尊說此呪已觀  
自在菩薩摩訶薩等及天龍八部一切衆會  
聞佛所說皆大歡喜信受奉行

妙臂印幢陀羅尼經

音釋

鞞音末筋音欣切些將此切  
骨音然也些譏毀也